

Policijski komesar Uprave policije MUP-a Kantona Sarajevo Mevludin Halilović rođen je 06. oktobra 1969. godine u mjestu Lukavica Gornja, općina Živinice. Srednju školu unutrašnjih poslova završio je u Sarajevu. Diplomirao je na Vojnoj akademiji u Beogradu. Uposlenik je organa unutrašnjih poslova od 1992. do 1997. godine, a Ministarstva unutrašnjih poslova Kantona Sarajevo od 1997. godine do danas.

Do imenovanja na poziciju policijskog komesara MUP-a Kantona Sarajevo radio je, između ostalog:

- na poslovima i zadacima milicije u SM Centar Sarajevo, SJB Centar Sarajevo, CSB Sarajevo,
- na poslovima i zadacima sprečavanja i otkrivanja općeg kriminaliteta u SJB Centar Sarajevo, CSB Sarajevo,
- kao zamjenik načelnika SJB Centar Sarajevo, PU Sarajevo, CSB Sarajevo,
- kao komandir PS, Prva PS, SJB Centar Sarajevo, CSB Sarajevo,
- do konstituisanja Kantonalnog Ministarstva unutrašnjih poslova Sarajevo, rukovodio radom SJB Centar,
- na poslovima i zadacima načelnika Policijske uprave Centar, Stari Grad i Novo Sarajevo,
- na poslovima i zadacima inspektora policije u Odjeljenju za koordinaciju i usmjeravanje u Sektoru uniformisane policije Ministarstva unutrašnjih poslova Kantona Sarajevo,
- obavljao javnu dužnost ministra Federalnog ministarstva unutrašnjih poslova ,
- na poslovima i zadacima načelnika odjeljenja u Odjeljenju kriminalističke policije Četvrte PU,
- na poslovima i zadacima načelnika odjeljenja u Odjeljenju za opći kriminal, Sektora kriminalističke policije,
- na poslovima i zadacima načelnika policijske uprave u Četvrtoj policijskoj upravi,
- na poslovima i zadacima načelnika sektora u Sektoru uniformisane policije,
- shodno rješenju Vlade Kantona Sarajevo od 18.11.2016.godine, do imenovanja policijskog komesara, a u skladu sa Zakonom o unutrašnjim poslovima Kantona Sarajevo, preuzeo je dužnost policijskog komesara, a ujedno obavljao i poslove načelnika Sektora uniformisane policije u činu "glavnog inspektora".

Pohađao je i završio kurseve i treninge u organizaciji IPTF-a, ICITAP-a, EUPM-a, SFOR-a i drugih međunarodnih institucija i organizacija, uključenih u program osposobljavanja policijskih snaga BiH, od kojih su najznačajniji:

- seminar iz oblasti policijskih operacija u Kairu
- seminar iz oblasti upravljanja u kriznim situacijama u SAD, Luisiana, State University,
- seminar "Advanced Managment Training" (Napredni kurs menadžmenta u oblasti provođenja zakona) u Roswellu, New Mexico, SAD.